

---

## ВИЛОЯТ ҲОКИМИ ҲАЙРУЛЛО БОЗОРОВ TÜRKSOY – ХАЛҚАРО ТУРКИЙ МАДАНИЯТ ТАШКИЛОТИ БОШ КОТИБИ СУЛТАНБАЙ РАЕВ БИЛАН УЧРАШДИ

Вилоят ҳокими Ҳайрулло Бозоров Қўқон шаҳрида бўлиб ўтаётган “Қўқон хонлигининг Туркий халқлар давлатчилиги шаклланиши ва маданий меросида тутган ўрни” мавзусидаги халқаро илмий конференцияда иштирок этажтган TÜRKSOY – Халқаро туркий маданият ташкилоти Бош котиби Султанбай Раев билан учрашди. Учрашувда Туркий давлатлар ташкилоти бош котиби ўринбосари Мирвоҳид Азимов ҳам иштирок этди.

Самимий мулоқот ҷоғида Туркий давлатлар ташкилоти доирасида ҳамкорлик алоқалари кучайиб бораётгани мамнуният билан қайд этилди.

Султанбай Раев халқаро конференцияни юқори даражада ташкил этилгани учун вилоят ҳокимига ўз миннатдорчилигини билдириб, маданият ва санъат ривож топган, бағрикенглик ҳукм сурган Қўқон хонлигининг давлат бошқарув тизими туркий давлатлар учун батафсил ўрганиб чиқишга арзигулик феномен эканини таъкидлади.

TÜRKSOY Бош котиби, Қўқон хонлиги тарихи бўйича етук мутахассис Муҳаммад Яҳёхон Дадабоев муаллифлигидаги Қўқон тарихига бағишлиланган асарларни 4 жилда туркчада чоп этиш режалаштирилаётганини, бу нашрнинг тақдимоти Туркияда ҳамда Қўқонда ўтказилишини ҳам маълум қилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-09 18:03:03